

Siunnersuummut nassuiaatit

Nassuiaatit nalinginnaasut

1. Aallaqqaasiut

Tjenestemandit soraarnerussutisiaat pillugit soraarnerussutisiaqartitsinermik tamarmiusumik, utoqqalinersiat, tjenestemandit soraarnerussutisiaat aamma soraarnerussutisiaqalernissamut aaqqissuussinermut peqataasussaataitanermik aaqqissuussineq pillugit malittarisassat ilanngullugit, immikkut ilisimasalinnik suleqatigiissitaliamik pilersitsisoqassasoq Naalakkersuisut aalajangiipput. Nunatsinni innuttaasut toqqissisimanartumik aningaasaqarnermilu pitsaasumik soraarnerussutisiaqarluni inuunissaat inuiaqatigiillu aningaasaqarnerisa oqimaqatigiinnissaa qulakkeernissaat mianeralugit soraarnerussutisiaqartitsinermik imminut atasumik pilersitsinissaq pingaaruteqartoq Naalakkersuisut isumaqarput.

Ilaatigut soraarnerussutisiaqalernissamut aaqqissuussinermut peqataasussaataitaneq pillugu soraarnerussutisiaqartitsinermi annertuumik aalajangiinnginnermi immikkut ilisimasallit sulinerisa inernerat Naalakkersuisut utaqqivaat. Kisianni soraarnerussutisiaqalernissamut aaqqissuussinermut peqataasussaataitanermik aaqqiinissanik maannangaaq pisariaqartitsisoqartoq, Naalakkersuisut aalajangiipput.

Ilaatigut pineqarput skattekortini akileraarnerup procentianik qaffaanermik aaqqissuussineq ajorineqarajuttartoq, ilaatitullu tjenestemandit ileqqaartussaataitanerisa annertussusia. Unamminartut ilaasa maannangaaq aaqqinniarlugit suliniuteqartoqarnissaannik pisariaqartitsisoqartoq Naalakkersuisut takusinnaavaat. Tamatuma saniatigut siunnersuutaavoq, akissarsiaqartunut ileqqaartussaataitanermut procentip qaffasissusia 2025-tut qaffasissuseqarluni aalajangersarneqassasoq.

2. Siunnersuummi immikkoortut pingaarnert

Soraarnerussutisiaqalernissamut aaqqissuussinermut peqataasussaataitaneq pillugu Inatsisartut inatsisaanni § 2, imm. 2, nr. 1-4 aamma imm. 4 naapertorlugit, akissarsiat tjenestemandit soraarnerussutisiassaannik aalajangiinermut tunngaviuppata, ileqqaartussaataitanermik naatsorsuinnermi tjenestemandit akissarsiaat ilaanngillat.

Tjenestemandinut immikkut tapit akissarsiallu immikkoortorisinnaasaat allat, assersuutigalugit sulinerunermi akissarsiat, piareersimasuunermut tapit il.il., tjenestemandit soraarnerussutisiaasa naatsorsorneranni ilaanngillat, taamaammallu soraarnerussutisiaqalernissamut aaqqissuussinermut peqataasussaataitaneq pillugu Inatsisartut inatsisaat malillugu ileqqaartussaataitanermik naatsorsuinnermi ilanngunneqassallutik.

Inatsisitigut inissisimaneq taanna naleqquttuusut Naalakkersuisut isiginngilaat, taamaammallu imatut allannguisoqarnissaa siunnersuutigalugu, tjenestemandip tjenestemanditut atorfeqarnerminut atatillugu akissarsiai tamarmik pineqartup ileqqaartussaataitanerani naatsorsuinermit ilanngunneqassanngitsut. Tjenestemandi tjenestemanditut sulinermit ilaanngitsunik allanik isertitaqarpat, isertitat taakku suli ilanngunneqartussaassapput. Assersuutigalugu tassaasinnaapput siunnersuinermit imaluunniit tunisassiorfinnut tunisinermit isertitat.

Inatsimmi § 7, imm. 3-6-imi, aalajangersakkat malillugit innuttaasup ileqqaartussaataitanii nammineerluni eqqortinngippagit ileqqaartussaataitanerit eqqortinneqanngissimasinnaasut innuttaasup skattekortianut tapiliussatut imaluunniit akileraarutitut allagartap qaffanneratigut akilersinneqassapput.

Aaqqissuussineq taanna ukiut isertitaqarfinni 2026-mi 2027-milu atorunnaarsinneqassasoq Naalakkersuisut aalajangiipput, taamaalluni akileraarutip procentiata imaluunniit akileraarutitut allagartap qaffanneratigut soraarnerussutisiaqalernissamut aaqqissuussinermut peqataasussaataitanermut 1. januar 2026-mit akiliisitsisoqassanani. Akileraarutini ingerlatsivik soraarnerussutisiaassanik aaqqissuussinermi ilaqqaartussaataitanermut eqqortinneqanngitsumut taamaallaat akiliisoqarnissaanik qinnuiviginnittussaammat Inatsisartut inatsisaannik siunnersuummi sunniutikinnerulersinneqassaaq. Naalakkersuisut taamaammat neriuutigaat immikkut ilisimasalinnik suleqatigiissitaliassaq aaqqiissummik sunniuteqartumik aammali atuuttumit annikinnerusumik akuliulluni aaqqiissuteqarnissamik siunnersuuteqassasoq.

Inatsit atuuttoq naapertorlugu akissarsiaqartumut ileqqaartussaanermik procenti imaappoq: 2023-mi 7 procent, 2024-mi 8 procent, 2025-mi 9 procent 2026-milu 10 procent.

Naalakkersuisut akissarsiaqartunut ileqqaartussaataitanermut procentip qaffasissusia 2025-misut qaffasissuseqarnissaa aalajangersassallugu aalajangerput. Tamanna ileqqartussaanerup qaffasissusianik uninngatitsissaaq. Ileqqaartarneq inuit soraarninngorneranni qanoq qaffasitsigisumik pissarsiaqartarnerannik sunniuteqarpoq. Annikinnerusumik ileqqaartarneq innuttaasoq soraarninngornerani, inuussutissarsiorneranut sanilliullugu, annikinnermik isertitaqarneranik kinguneqarsinnaavoq.

Namminersorlutik inuussutissarsiortunut procentip qaffasissusia 2024-mit 6 procentiuvoq, tamannalu inatsisitigut annerpaaffissarivaa. Taamaammat procentip qaffasissusia inatsisissatut siunnersuummit sunnerneqanngilaq.

3. Pisortanut aningaasaqarnikkut allaffissornikkullu kingunissai

Siunnersuut Akileraartarnermi Aqutsisoqarfimmi IT-mi nalunaarsuiffinnik naleqqussaannermik kinguneqassaaq. Missingerneqarpoq tassunga aningaasartuutit 500.000 kr.-nit ikinnerussasut.

Tjenestemandinut atuutitinninnerup annertusinera tjenestemandit soraarnerussutisiat soraarnerussutisiassanut nammineq ileqqaakkat annikinnerulertussaammata pisortanut aningaasaqarnikkut kinguneqassasoq, ilimagineqarpoq. Tamassuma kinguneranik ilimagineqartariaqarpoq tjenestemandit amerlanerusut utoqqalinersianik annertunerusunik pissarsiaqarsinnaatitaassasut. Aningaasartuutaanerusussanik naatsorsuisoqarsinnaanikuunngilaq, kisianni tjenestemanditut atorfillit ikiliartormata aningaasartuutaanerusussat killeqassasut ilimagineqarpoq.

Ilimagineqarpoq skattekortinut tapiliussinikkut imaluunniit akileraarutinut allagartat qaffannerisigut ileqqaartussaataitaanernik eqqortinneqanngitsunik akiliisitsinissap atorunnaarsinnera pisussaaffinnik eqqortinneqanngitsunik nammineq soraarnerussutisiaqalernissamut aqqissuussinnermut akiliutit annertuumik ikilinerannik kinguneqassasoq.

Nalunaarsuiffik 1. Ileqqaartussaataitaanerit eqqortinneqanngitsut aamma skattekortikkut akiliisitsinerit, 2021-2023

Isertitat akuttussusilerlugit - ileqqaartutissanut tunngaviit	Ileqqaartussaataitaanerit eqqortinneqanngitsut, mio.kr.			Ileqqaartussaataitaanerit eqqortinneqanngitsut akilersinneqartut, mio.kr.		
	2021	2022	2023	2021	2022	2023
125.000 - 174.999 kr.	3,5	5,9	8,5	2,9	4,2	4,7
175.000 - 224.999 kr.	7,0	11,0	16,0	5,9	8,2	7,4
225.000 - 299.999 kr.	10,4	16,6	26,1	8,9	13,2	13,4
300.000 - 399.999 kr.	12,7	23,3	33,1	10,6	18,6	18,2
400.000 - 499.999 kr.	11,7	16,8	29,5	10,0	14,4	16,2
500.000 kr. qaangerlugillu	33,3	53,6	85,4	24,1	38,8	43,9
Katillugit	78,6	127,2	198,6	62,4	97,4	103,8

Najoqqutaq: Akileraartarnermut aqutsisoqarfik.

Nalunaarsuiffik 1-mi ileqqaartussaataitaanerit eqqortinneqanngitsut katiterlugit aningaasanut skattekortinut tapiliussinikkut aamma akileraarutinut allagartat qaffannerisigut 2021-mit 2023-mut akilersinneqartunut sanillinneqarput. Aningaasat isertitat akunnilerisigut agguarneqarput. Nalunaarsuiffik 1-mi takuneqarsinnaavoq, ilanngaaseereerluni ileqqaartussaataitaanerit eqqortinneqanngitsut 2023-p naanerani 198,6 mio. kr.-t missaannik annertussuseqartut.

Nalunaarsuiffik 2. 2023-mi ileqqaartussaataitaanerit eqqortinneqanngitsut, suaassutsinut agguarlugit.

Isertitat akuttussusilerlugit - Ileqqaarutissanut tunngaviit	Inuit amerlassusaat		Ileqqaartussaataitanerit eqqortinneqanngitsut, mio.kr.	
	Angutit	Arnat	Angutit	Arnat
125.000 - 174.999 kr.	183	129	1,2	0,9
175.000 - 224.999 kr.	506	228	5,0	2,3
225.000 - 299.999 kr.	673	205	8,2	2,6
300.000 - 399.999 kr.	740	155	10,5	2,3
400.000 - 499.999 kr.	638	79	10,4	1,2
500.000 kr. qaangerlugillu	1.130	189	29,6	4,4
Katillugit	3.870	985	64,9	13,6
Procentinngorlugit	80%	20%	83%	17%

Najoqqutaq: Akileraartarnermut Aqutsisoqarfik.

Nalunaarsuiffimmi 2-mi takutinneqarpoq angutit 2023-mi ileqqaartussaataitanerit eqqortitsinngitsut 83 pct.-usut, kiisalu akiitsullit 80%-ii angutaallutik.

Nalunaarsuiffimmi 2-mi takutinneqarpoq ileqqaartussaataitaasuni eqqortinneqanngitsunik tamarmiusuni procentinngorneranni amerlasuuni angutit 300.000 kr.-t qaangerlugit isertitaqartut pineqartut.

Ileqqaartussaataitanerit eqqortinneqanngitsut amerlinerat pineqartut soraarninngorpata nammineq soraarnerussutisiassanut aaqqissuussineranni imminnut pilersorsinnaanerit appasinnerulissamat utoqqalinersianut aningaasartuuteqarnerulernikkut takuneqarsinnaassaaq. Aningaasartuutaanerusussat tunngaviit pigineqartut tunngavigalugit naatsorsorneqarsinnaanngillat.

Soraarnerussutisiassanut ileqqaakkanut akiliutit ikilinerat nammineq atukkat piffissami sivikitsumi qaffannerannik kinguneqassaaq. Atuinerunermi soraarnerussutisiaqalernissamat ukioqalernermi atuinnissamat periarfissat pilliutigalugit pissaaq. Qaffariaatsip annertussusissaanut innuttaasut soraarnerussutisiassaminik ileqqaakkaminnut qanoq annertutigisunik akiliinnginnerat apeqqutaassaaq

Soraarnerussutisiassanut aaqqissuussinernut akiliutit annikinnerunerat Kalaallit Nunaanni soraarnerussutisiassanut aaqqissuussinerit akiliisarnerit isertitat akileraaruserneqartussat naatsorsornerani soraarnerussutisiassanut aaqqissuussinernut akiliutit ilaat ilanngutinnginneqartussaataammata akileraarunilu ilanngaasiisinnaatitaasoqarmat, 2026-mi 2027-milu akileraarutinit isertitat qaffasinnerunerannik kinguneqarsinnaavoq. Kisianni siunissami soraarnerussutisiassanut akiliutit siunissami annikinnerunissaannik tamassumalu kingunernik akileraarutinit akiliutit annikinnerunerannik kinguneqassamat, akileraarnermut tunngavinnik siuartitsineq kisimi pineqarpoq. Kalaallit Nunaanni soraarnerussutisiassanut aaqqissuussinernut akiliutit qanoq annertutigisumik ikinnerulernissaat apeqqutaammat tamassuma annertussusissaa naatsorsorneqarsinnaanngilaq.

Soraarnerussutisiaqalernissamut aqqissuussinermut peqataasussaatitaaneq pillugu malittarisassat nutaat ilimagineqarmat innuttaasut akileraarutinit ilanngaataasa qaffannissat taamaalillunilu kommunit akileraarutinit isertitaasa annikinnerulernissaat ilimagineqarmat, ataatsimut tapiissutit qaffannerisigut kommunit taarsiivigineqarnissaat saqqummiunneqarpoq. Inatsisartut inatsimmi allannguutissatut siunnersuutigineqartut akerlianik kommunit akileraarutinit isertitaasa qaffannerannik kinguneqassapput, taamaammat taarsiissutissatut siusinnerusukkut isumaqatigiissutigineqartut appartinneqassapput. Tamanna ataatsimut tapiissutit isumaqatigiiniutiginerannut ilanngunneqassaaq.

Siunnersuut ileqqaartussaatitaasunik eqqortinneqanngitsunik akiliisitsinerit pillugit suliaassat ikilinerannik aamma soraarnerussutisiassanik ileqqaartarfinnut nuussinermi suliaasaqarunnaartussaanerannik kinguneqassammat Akileraartarnermut Aqutsisoqarfimmi allaffissornermi suliaassat annikitsumik ikilinerannik kinguneqassaaq.

4. Inuussutissarsiortunut aningaasaqarnikkut kingunissai

Ilimagineqarpoq siunnersuut inuussutissarsiortunut aningaasaqarnikkut allaffissornikkulluunniit annertuunik kinguneqassanngitsoq.

Ilimagineqartariaqarpoq siunnersuut innuttaasut soraarnerussutisiassanik aqqissuussinernut akiliutaasa annikinnerulernerannik aningaasanik niuernerimik inuussutissarsiuteqartunut kinguneqassasoq.

5. Avatangiisinut, pinngortitamut innuttaasullu peqqissusiannut kingunissai

siunnersuut avatangiisinut, pinngortitamut innuttaasulluunniit peqqissusiannut kinguneqassanngilaq.

6. Innuttaasunut kingunissai

Siunnersuummi tjenestemandit akissarsiaasa ilaannit ileqqaartussaatitaasoqanngimmat soraarnerussutisiassat pineqartut soraarninngorneranni akilerneqartartut ikilisinneqassapput. Pineqartut akissarsiaasa tamarmiusut ilaannik maannamut ileqqaartussaatitaanermut qanoq annertutigisut ilaatinneqarnersut apeqqutaammat, tamanna inunnut ataasiakkaanut assigiinngitsunik kinguneqassaaq.

Skattekortinut tapiliussakkut imaluunniit akileraarutininik allagartanik qaffaanikkut ileqqaartussaatitaanernik eqqortinneqanngitsunik akiliisitsisinnaanermik 2026-mi 2027-milu atorunnaarsitsinerimik soraarnerussutisiat pineqartut soraarninngorneranni akilerneqartartut aamma appartinneqassapput. Pineqartut soraarnerussutisiassanut ileqqaakkaminnik qanoq annertutigisunik akiliinnginnerat apeqqutaammat, tamanna inunnut ataasiakkaanut assigiinngitsunik kinguneqassaaq

Siunnersuut tamassuma saniatigut innuttaasunut annertuunik kinguneqassanngilaq.

7. Kingunissai annertuut allat

Siunnersuut annertuunik allanik kinguneqassanngilaq.

8. Tusarniaaneq

Siunnersuut piffissami 19. september - 13. oktober 2025 tusarniaaffigineqartunut makkununga tusarniutigineqarpoq: SIK, GE, Sulisitsisut, GrønlandsBANKEN, Bankivik, Grønlandske Advokater, Nuna Law, Utoqqaata – Ældretalsmanden, SISA, IMAK, ASG, PPK, AK - Atorfillit Kattuffiat, KNAPK, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia aamma Kommune Kujalleq.

Tamatuma saniatigut tusarniaaneq uani www.naalakkersuisut.gl tusarniaanermut nittartakkamut ikkunneqarluni.

Tamatuma saniatigut ilanngussaq 2 innersuussutigineqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Siunnersuutigineqarpoq akissarsiat ilaat tjenestemandip tjenestemanditut atorfeqarnermini isertitai pineqartup ileqqaartussaataitanerani naatsorsuinermini ilanngunneqassanngitsut.

Tassani akissarsiat peqartup tjenestemanditut soraarnerussutisiaanut ilaasut aamma akissarsiat immikkoortui immikkut tapiisuussutitut qaangiuttoornermi, piareersimasussaataitanermini il.il. akilerneqartut ilaapput.

Akerlianik isertitat pineqartup tjenestemanditut atorfeqarneranut toqqaannartumik attuumassuteqanngitsut ileqqaartussaataitanerup naatsorsornerani suli ilanngunneqartassapput. Assersuutigalugu tassaasinnaapput isertitat saniatigut sulinermeersuusinnaapput, siunnersortitut sullissinermeersuusinnaapput, tunisasiofinnut tunisaasinnaapput assigisaallu.

Nr. 2-mut

Siunnersuutaavoq, § 3, imm. 1, uniffik kingulleq, naapertorlugu procentip qaffasissusaanik annertusaaneq aalajangersarneqassasoq, taamaasilluni procenti 2025-mi qaffassanngimmat. Tamatuma kingorna 2025-mit procentip qaffasissusia 9 procentiussaaq.

Nr. 3-mut

Siunnersuutaavoq, § 7, imm. 3-6, ukiut isertitaqarfinni 2026-mi 2027-milu atuutissanngitsut.

Taamaaliornikkut ileqqaartussaataitanermut eqqortinneqanngitsumut skattekortiliinermini tapiliussanik akiliisitsinissamik imaluunniit akileraarutinut bilitsiliinermini qaffaanissamik periarfissaq atorunnaassaaq. Tamassuma ilaatigut kinguneraa, 2025-p naanerani skattekortiliinermut akileraarutinullu allagartaliinermut malittarisassat nutaat 1. januar 2026 atuutilersinneqartut mianerineqassasut.

Nr. 4-mut

Siunnersuut ikaarsaariarnermut aalajangersakkamik imaqarpoq.

Imm. 1-imi erseqqissarneqarpoq ukiumi isertitsiviusumi 2026-mi skattekortiliinermini imaluunniit akileraarutinut allagartami akileraarutit procentiannut tapiliussamik akiliisitsisoqarsinnaanngitsoq imaluunniit akileraarutinik allagartami qaffaasoqarsinnaanngitsoq.

Akileraarnermik ingerlatsiviup imm. 2 malillugu ileqqaartussaataitaasut eqqortinneqanngitsut kingusinnerpaamik ulloq 1. januar 2026-mi akiligassanngortut inuup soraarnerussutisiassanut

aaqqissuussineranut nuussavai. Taamaaliornikkut december 2025-mi akissarsianit akileraarutit ulloq 1. januar 2026-mi akiligassanngortut sillimafigineqassapput.

§ 2-mut

Siunnersuutigineqarpoq inatsit ulloq 1. januar atuutilersinneqassasoq

Siunnersuut inatsisinut atuuttunut sanilliullugu	
<i>Oqaasertaliussaq atuuttoq</i>	<i>Siunnersuut</i>
	§ 1 Soraarnerussutisiaqalernissamut aaqqissuussinermut peqataasussaatitaaneq pillugu Inatsisartut inatsisaat, Namminersorlutik Oqartussat nalunaarutaat nr. 67, 25 september 2025-meersoq naapertorlugu, imatut allannguisoqarpoq:
§ 2. <i>Imm. 4.</i> Imm. 2-mi nr. 1-4-mi aalajangersakkani akiliutit inuup tjenestemanditut soraarnerussutaanut tunngaviit ilaatinneqarput Imm. 2-mi nr. 1-4-mi aalajangersakkani akiliutit inuup tjenestemanditut soraarnerussutaanut tunngaviit ilaatinneqarput.	§ 2, imm. 4, imatut oqaasertalerneqarpoq: ” <i>Imm. 4</i> Imm. 2, nr.1-4, aalajangersakkani tjenestemandit atorfeqarnerminni katersaat ilaapput.”
§ 3. Inuup soraarnerussutisiaqalernissami aaqqissuussinermut akiliutai ukioq aningaasarsiorfimmi 2023-mi ileqqaarnissamut tunngavik 175.00 kr.-uppat qaffasinneruppalluunniit ileqqaarnissamut tunngaviup 7 procentianit annikinnerussanngilaq, imm. 2-li aamma 5 takukkit. Ukioq aningaasarsiorfimmi 2024-mit 2026-mut procenti ukiumut 1 procentimik qaffanneqartassaaq, taamaalilluni 2026-mi 10 procentiussalluni.	2. § 3, imm. 1-imi oqaaseqatigiit aappai ima allanneqassapput: “ Ukioq isertitaqarfik 2024-mit 2025-mut procenti ukiumut 1 procentimik qaffaassaaq, taamaasilluni 2025-mi qaffasissuseq 9 procentinngorluni.”
§ 7. <i>Imm. 3.</i> Akileraartarnermut Aqutsisoqarfiup ulloq 1. november tikitsinnagu akiliinermut uppersaattigusi manngippagu, nikingassutaasoq akileraarutitut procentiliussamut tapiliussatut imaluunniit akileraarutit qaffannerisigut akilersinneqassaaq. Taamaattoq nikingassutaasut, ukiumut	3. § 7-imi tulliuuttoq immikkoortoq 8-tut ilanngunneqassaaq: “ Imm. 8. Imm. 3-6-imi aalajangersakkat ukiut isertitaqarfiit 2026-mut aamma 2027-mut atuutinngillat.”

aningsarsiorfiusumut, ukioq aningsarsiorfiusoq skattekortip atuuffissaa ukiunik 4-nik sioqqullugu, inissisimasumut, tunngassuteqartut akilersinneqarsinnaanngillat.. <i>Imm. 5.</i> Akileraarutitut allagartanik nutaanik tunniussisoqarpat, nikingaassutaasoq annerpaamik arfinileriarluni akilersuinertut akilersinneqassaaq.	
	4. § 7-ip kingorna ilanngunneqarpoq: ” § 7 a. Ukiunut isertitsiviusunut 2026-mi 2027-milu skattekortinik imaluunniit akileraarutitut allagartamik tunniussinnermi akileraarutit procentiannut tapiliussamik akiliisitsisoqarsinnaanngilaq akileraarnermut allagartat qaffanneqarsinnaanatik. <i>Imm. 2.</i> Akileraarutitik ingerlatsiviup ileqqaartussaataanermik eqqortitsinnginnerit (nikingassutit) kingusinnerpaamik ulloq 1. januar 2026-mi akiligassanngortut inuup soraarnerussutisiassanik ileqqaarnermut aqqissuussinneranut nuussavai.
	§ 2 Inatsisartut inatsisaat ulloq 1. januar 2026 atuutilissaaq.

Tusarniaanermut allakkiaq

Siunnersuut piffissami 19. september - 13. oktober 2025 tamanut tusarniaassutigineqarpoq.

Siunnersuut peqatigiiffinnut suliffeqarfinnullu ukununga nassiunneqarput: SIK, GE, Sulisitsisut, GrønlandsBANKEN, Bankivik, Grønlandske Advokater, Nuna Law, Utoqqaat pillugit oqaaseqartartoq, SISA, IMAK, ASG, PPK, AK - Atorfillit Kattuffiat, KNAPK, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia aamma Kommune Kujalleq.

Tamatuma saniatigut siunnersuut tusarniaanermut nittartakkami ikkusimatinneqarsimavoq: Naalakkersuisut.gl.

Utoqqaat pillugit oqaaseqartartumit, Sulisitsisunit (GE), Grønlandsbanken-imit, SISA-mit aamma SIK-imit, IMAK-imit aamma Kommuneqarfik Sermersuumit tusarniaanermut akissuteqaatit tiguneqarput.

Utoqqaat pillugit oqaaseqartartoq tusarniaanermut oqaaseqaatissaqarsimanngilaq.

Tusarniaaffigineqartunit oqaaseqaatit matuma kinguliani pingaaruteqassusaannik naliliineq aallaavigalugu naalisarlugit issuarneqarput. Naalakkersuisunit oqaaseqaatit *uingasumik allallugit* allanneqarput.

Sulisitsisut (GE) allapput:

Soraarnerussutisiassanut peqataasussaataaneq pillugu inatsisip misissorneqartussanngornera Sulisitsisut neriulluarnartutut isigaat.

Innuttaasut utoqqaanertai suli amerliartortut, tamannalu inuiaqatigiinnut aningaasartuuteqarnerulernermik malitseqartussaasoq, GE-p eqqaamavaa – peqqinnissamut paaqqutarinninnermullu suliassaqarfinni, tamatumalu saniatigut utoqqalinersiutinut.

Taamaattumik innuttaasut tamarmik soraarnerussutisiaqalernissamut aqqissuussinnermut akiliinissaat pingaaruteqarpoq, taamaalillutik nunap karsia annertuallaamik nanertornagu soraarnerussutisialittut naapertuuttumik inuunissaminnik qulakkeerisinnaassallutik.

Utoqqaat amerliartuinnartussaammata nammineerluni ileqqaarnissamut kajumissuseqalersitsilluni ilusiliamik suliaqartoqartariaqaraluarpoq, kisianni ataasiakkaat kiffaanngissuseqarnerusariaqaralutik.

Amerlasuut toqqartarpaat:

- Nammineq aningaasaliinissaq
- Suliffeqarfimmi ileqqaarnissaq

- Akiitsuminnik annikillisitsinissaq (assersuutigalugu pigisat aalaakkaasut)
- il.il.

Inatsisip maannakkut ilusiligaanerani taamatut eqaatsuutitsinissaq, killiffinni assigiinngitsuni assigiinngitsunik pisariaqartitsisoqartarluni, ataasiakkaat sulineramik ingerlanerani pisariaqartissinnaasaat, annaaneqarpoq.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Soraarnerussutisianut periaatsimi annertunerusunik imaluunniit ataavartussanik allanngortitsinernut inassuteqaatit ataatsimoortut, immikkut ilisimasallit suliarisassaar, tunngavigineqartariaqaraluarput.

GrønlandsBANKEN allappoq:

Innuttaasup soraarnerussutisiaqalertussatut ukioqalernermini inuussutissarsiortutut isertitaminut sanilliullugu annertunerusumik isertitani appartut misigalugu, annikinnerusumik soraarnerussutisiassanut akiliuteqarnerup malitsigisinnaavaa.

Ileqqaarnissamut pisussaaffiit naammassineqanngitsut skattekortimi ilassusiinikkut imaluunniit akileraarutissanik qaffaanikkut akilersinnissaannut periarfissap atorunnaarsinneqarnera, siunnersuut naapertorlugu pisussaaffinnik naammassineqanngitsunik nammineerluni soraarnerussutisiassanut aaqqissuussinermut akiliutit apparnerannik kinguneqassasoq naatsorsuutigineqarpoq.

Ileqqaarnissamut pisussaaffiit naammassineqanngitsut qaffannerat, pineqartup soraarinngornerani utoqqalinersiutinut aningaasartuuteqarnerulernermi takuneqarsinnaassaaq, tassami nammineq soraarnerussutisiassanut aaqqissuussinermut akiliutit ikinnerulernerisa malitsigisaannik taakkua imminut pilersornerat annikinnerulertussaammat. Siunnersuut naapertorlugu tunngavissat pigineqartut tunngavigalugit aningaasartuutaanerusussat annertussusissaat naatsorsorneqarsinnaanngillat.

Soraarnerussutisiassanut ileqqaarnermut akiliutit annikillinerat piffissami sivikitsumi nammineq atuinerup annertunerulerneranik malitseqartussaavoq. Atuinerulerneq soraarnerussutisiaqalertussatut ukioqalernermini atuinnissamut periarfissat pilliutigalugit pisussaavoq. Innuttaasut soraarnerussutisiassanut ileqqaarnerminnut aningaasat qanoq annertussusillit akilinngitsoorsimaneraat, qaffaataata annertussusissaanut apeqqutaavoq.

Matuma siuliani allassimasuni inatsisissatut siunnersuummi siunnersuutip nammineq nassuiarneqarnera aallaavigineqarpoq. Tamatuma inatsisiliortut siunnersuummut isumaliutersuuteqalersittariaqaraluarpai. Inuit 4.855-it soraarnerussutisiassanut ileqqaartussaataitanermut 200 mio. kr.-t missai ulloq manna tikillugu akilersimannigikkaat atuarlugu alianarpoq.

Grønlandsbanken isumaqarpoq tamatuma inatsisitigut akuerineqarnera inunntut soraarnerussutisiassanut aaqqissuussisussaataitanermut akiliisimasunut naleqqutinngitsoq, aammalu soraarnerussutisiassanut maleruagassani ”pisussaataitanerup” ilaatinneqarnera peerneqartussaalluni.

Grønlandsbanken isumaqarpoq, pisussaaffeqarnek suliaqarnermi atorunnaarpat, tamatuma innuttaasut ilaasa soraarnerussutisiassanut ileqqaanngilluinnarnissaannut sakkortuumik kajumissaataanissaa takorloorneqartariaqartoq. Taamaattumik aamma 2026-mi aamma 2027-mi soraarnerussutisiassanut ileqqaarsimannginneq pissutigalugu sulisartut qaffasinnerusumik ilanngaasiinnginnermi aningaasarsiaqartarnek tamatuma tungaanut sungiutereersimappassuk, 2027-p kingorna soraarnerussutisiassanut akiliisarnerit aallarteqqinnissaat ajornakusoorpasippoq. Taamaattumik soraarnerussutisiassanut ileqqaarnerup aallartinnera, ataavartumik sunniuteqartillugu Inatsisartut tamaangaannarnissaanut aarlerinaateqarpoq.

Tamatuma saniatigut Aningaasaqarnermut Siunnersuisoqatigiit nalunaarusiaat 25.9.2025 tamanut saqqummiunneqartoq atuarlugu aarlerinartortaqtartorujussuuvog, tassani Namminersorlutik oqartussat aningaasaqarnerat inuussutissarsiorsinnaasutut ukiullit ikiliartornerat soraarnerussutisiallillu amerliartornerat pissutigalugit pitsaanngitsumut ineriartorpasilluni. Tamanna eqqarsaatigalugu Naalakkersuisut utoqqarnik pilersuinnermut siunissami pisortat aningaasartuutissaannik annertusititsiniarnerat kiisalu utoqqaat taakkua naleqquttumik utoqqalinissaminnut imminnut qulakkeerussunnissaminnut iliuuseqarlutik tapersiinnnginnissaannik akuersaarnerat, paasiuminaappoq.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Siunnersuutip malitsigisaanik ilaatigut ileqqaartussaataitanerup naammassineqanngitsup akilersinneqartarnera atorunnaarsinneqarallartussaavoq. Piffissamut killilikkamik allanngortitsineq, 2026-mi aamma 2027-mi taamaallaat atuuttussaq, pineqarmat maluginiassallugu pingaaruteqarpoq. Ileqqaartussaataitaneq naammassineqanngitsoq piffissami suli naatsorsorneqartussaavoq, aammalu innuttaasut soraarnerussutisiassanut aaqqissuussinermi nikingassutaasoq akileqqullugu kaammattorneqassapput. Naatsorsuutaavoq piffissap taassuma iluani immikkut ilisimasallit soraarnerussutisiassanut periaatsimik aaqqissuusseqqinnermut inassuteqaatiminnik tunniussissasut. Tamatuma saniatigut tusarniaanermut akissuteqaammut matuma kingulianiittumut akissuteqaat innersuussutigineqarpoq.

Sermitsiap ilanngutassiaani, ataasinngorneq 6. oktober 2025, ”Aningaasaqarnek tatineqartoq: Pisarnitsituut iliorsinnaanngilagut” allassimavoq ”tamatuma peqatigisaanik utoqqalinersianut aningaasartuutit malunnaatilmik qaffakkiartorput, taakkulu 2029-p tungaanut inatsisitigut pituttukkanik aningaasartuutini qaffariaatit 75 procentit missaannik annertussuseqarlutik”. Ineriartorneq taanna inatsisissatut siunnersuummi matumani ingerlaannarsinnaasussaavoq.

Grønlandsbankenip siunnersuinermut najoqqutassanik ineriartortitsinermi aammalu soraarnerussutisiassanut ileqqaarnerup tunngavissinnissaanut IT atorlugu periaatsini nunatsinni soraarnerussutisiassanut inatsisip atuutsinneqalernera iliuuseqarluni tapersersorsimavaa. Suliassaqaqfimmi tassani politikikkut siunnerfiit sakkortuumik nikinnerat, innuttaasunit suliffeqarfinnillu isigalugu soraarnerussutisiassanut inatsisit ataqatigiissut tutsuiginassusaannut ajoqusiisinnaavoq.

Peqatigisaanik soraarnerussutisiallit siunissami soraarnerussutisiaqalernissaminut allaanerusunik annertunerusunillu piumasaqaateqalertussaapput. Tamanna nunatsinni aningaasaqarnerup mianernartup kivissinnaassanngilaa. Taamaattumik aningaaseriviup nammineq soraarnerussutisiassanut ileqqaarnerup, naleqquttumik utoqqalinissap qulakkeernissaanut kiisalu siunissami aningaasaqarnermut politikikkut attassisinnaanerup qulakkeernissaanut, pingaaruteqartutut isigaa.

Taamaattumik aningaaseriviup kaammattuutigissavaa siunnersuut eqqarsaatigeqqinneqassasoq immaqalu siunnersuutip ilai tunuartinneqassasut.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Grønlandsbanken iliuuseqarluni peqataanera neriulluarnarpoq aammalu nunatsinni soraarnerussutisiassanut ileqqaariaatsinik neqerooruteqarnini annertusisimallugu. Nammineq soraarnerussutisiassanut ileqqaarnerit inerisarneqarnerat, siunissami soraarnerussutisiassanut periaatsit piujuartussat qulakkeernissaanni pingaaruteqartunut ilaasinnaavoq. Nassuiarneqartutut siunnersuutip atuutilernerani ileqqaartussaataitanerup naammassineqanngitsup akilersinneqartarnera atorunnaarsikkallarneqartussaavoq. Soraarnerussutisiassanut aaqqissuussinermi ileqqaarnissaq innuttaasup nammineerluni soqutigisaraa. Naalakkersuisut maleruagassani annertuunik imaluunniit ataavartussamik allanngortitsinissamut isumminnginnerminni immikkut ilisimasalinnit inassuteqaatit utaqqimaarniarpaat.

SISA allappoq:

SISA-p oqaatigaa immikkut ilisimasalimmik, soraarnerussutisianut periaatsimik tamarmiusumik misissuisussamik, pilersitsisoqartoq. SISA-p immikkut ilisimasallit sulinerisa malinnaaffiginissaa qilanaaraa aammalu SISA paasissutissanik allanilluunniit immikkut ilisimasallit sulinerannut iluaqutaasinnaasunik tapersiisinnaappat, saaffigineqarnissaminut piareersimalluni.

SISA Naalakkersuisut isumaannut, nassuiaatini saqqummiunneqartunut, ilaliisinnaavoq, tassani allassimavoq soraarnerussutisianut periaatsimi tamarmiusumi innuttaasut soraarnerussutisiallittut toqqissisimatinneqarnissaat pingaaruteqartoq, peqatigisaanillu periaatsimi inuiaqatigiit aningaasaqarneranni oqimaaqatigiinneq qulakkeerneqartussaalluni.

SISA-p oqaatigaa ileqqaakkat ullumikkut soraarnerussutisiassanut ileqqaarneqartartut annertunerpaartai sulisartut isumaqatigiissutai suliffeqarnermi illuatungeriit isumaqatigiissutigisimasai imaluunniit atorfininnermut isumaqatigiissutit sulisartup sulisitsisullu akornanni isumaqatigiissutigineqartut tunngavigalugit pisartut. Aaqqissuussinerni taakkunani soraarnerussutisiassanut akiliutaasartut ullumikkut aningaasarsiat 12 %-iisa missaanniittarput. Soraarnerussutisiassanut aaqqissuussinerni taakkunani innuttaasut amerlanerpaartai soraarnerussutisiassanut ileqqaagaqarnissamut qulakkeerussunneqartarput, kisianni inatsisissamut siunnersuummut nassuiaatini takussutissiani allassimasutut, sinneruttunik soraarnerussutisiassanut ileqqaagaqanngitsunik imaluunniit annikitsuinnarnik ileqqaagaqartunik, sulii peqarpoq. Tamanna siunissami soraarnerussutisiallit akornanni A-miittunik aamma B-miittunik pilersitsisinnaavoq

Tamatuma saniatigut SISA-p nammineq naatsorsukkatik innersuussutigai, taakkunani takutinneqarpoq innuttaasoq isertitami 12 %-iinik soraarnerussutisiassanut akiliuteqartartoq aammalu 30-nik ukioqalinnginnermini soraarnerussutisiassanut ileqqaarluni aallartittoq, 67-inik ukioqalernermini isertitami 60 %-iisa aamma 70 %-iisa akornanni pisortanit utoqqalinersiutit ilanngullugit soraarnerussutisiaqalersinnaassasoq.

Tusarniaanermut akissuteqaat oqaaseqaatitut iluseqarpoq aammalu inatsisissatut siunnersuutit imarisaannut oqaaseqaatinik imaqarani. Tusarniaanermut akissuteqaat siunnersuummi allanngortitsinissamut pissutissaqalersitsinngilaq.

SIK allappoq:

SIK-p ilinniarsimasunut aamma ilinniagaqarsimanngitsunut nalunaaquttap akunneranut aningaasarsialinnut isumaqatigiissuummi allassimasoq, sulisitsisoq isumaqatigiissuummi allassimasup 11,66 procentianik soraarnerussutisiassanut akiliisussaasoq. Tamanna ilinniarsimasunut aamma ilinniagaqarsimanngitsunut isumaqatigiissutit malillugit atorfinitsinneqarsimasunut atuuppoq.

SIK-ip naatsorsuutigaa pisortat killilersugaanngitsumik isumaqatigiissutitut isumaqatiginninniartarneq aallartinneqangajalersoq, aammalu ukiup matuma naalernerani kiisalu ukiup nutaap aallartinnerani pisussa, malissagaat.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Erseqqissaatigineqassaaq, siunnersuummi isumaqatigiissuteqartartut isumaqatiginninniarsinnaatitaanerit kalluarneqanngimmat.

SIK-p oqaatigaa siunissami suliffissaaleqinermi suliffissarsiortunut ikiorsiissutit (suliffissaarunnersiutit) tunniussinermi suliffissarsiortunut ikiorsiissutit soraarnerussutisiassanut akiliutissamik akiliisoqartariaqaraluartoq. Taamaanngippat immikkut akileraarummik akiliisoqartussaananik tamanna kinguneqartussaammat.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Siunnersuummi suliffissaaleqisunut ikiorsiissutininik tunniussisarneq, aamma tunniunneqartunit soraarnerussutisiassanut akiliummut unerartitsisoqassanera, kalluarneqanngillat. Eqqorpoq suliffissaaleqisunut ikiorsiissutininik tunniussinerit ileqqaarnissamut tunngavissani ilaatinneqanngitsut. Siunnersuutip atuutilernerani ileqqaartussaataaneq naammassineqanngitsoq, ilanngullugu suliffissaaleqisunut ikiorsiissutininik tunniussinermeersut, 2026-mi aamma 2027-mi akilersinneqartussaannngilaq.

Kisianni 2026-mi aamma 2027-mi skattekortimik tunniussinerimi imaluunniit akileraarutissani skatimut procentiussamut tapiliussilluni akiliisitsisoqarsinnaanngitsoq imaluunniit akileraarutissanik qaffaasoqarsinnaanngitsoq pillugu siunnersuut SIK-p ilalerpaa.

SIK inatsisissatut siunnersuutip tusarniaassutigineqarnera ilalinngilaa.

Kisianni siunnersuummi § 7 a ilalerlugu, imatut oqaaseqaateqarluni. Soraarnerussutisiassanut aqqissuussisussaataanerup taamaatinneqannginnissaa SIK-ip neriuutigaa. Tassami tamanna soraarnerussutisiassanut aqqissuussinerimut katersat eqqarsaatigalugit sulisartunut ataasiakkaanut tamanut siunissami sunniuteqartussaammat.

Siullertut ajornartorsiutaavoq ullormut aqqutissamullu aningaasartuutitut sanilliullugu utoqqalinersiutininik annikitsuinnarmik pissarsisoqartarnera. Aappaattut nunatsinni ikiligaluttuinnarpugut, taamaattumik soraarninngornissatsinnut ileqqaagaqanngikkutta, siunissami annertooujussuarmik ajornartorsiulertussaavugut, tassami siunissami akileraarummik akiliisussat amerlavallaartussaannngimmata. 2049-mut innuttaasunik siumut naatsorsuineq kingulleq innersuussutigineqarpoq. Tamanna aningaasanik pappialanik qilammit nakkaasoqalinngippat, aningaasalersorniapiloortussaavarput.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Soraarnerussutisiassanut periaatsimik piujuartussamik qulakkeerisussamik aqqissuusseqqinnermik ingerlatsinissaq pingaaruteqarpoq, pingaartumik sulisinnaasutut ukiullit inuit ikiliartornissaat naatsorsuutigineqarmat. Soraarnerussutisiassanut aqqissuussinerit, suliffeqarnermi soraarnerussutisiassatut aammalu nammineq soraarnerussutisiassanut aqqissuussinertut ittut, siunissami soraarnerussutisiassanut periaatsimik piujuartussamik qulakkeernissamut aqqiissutissanut ilaatinneqassasut naatsorsuutigineqartariaqarput.

IMAK allappoq:

IMAK-p tusarniaanermut najoqqutassat nassiunneqartut ilalerpai. IMAK-p sivisuumik Naalakkersuisoqarfinnut Naalakkersuisunullu saaffiginnittarnermini saqqummiuttuarsimavaa Tjenestemandit katersisussaataanerimut maanaannaq ilanngutsinneqarnerat. Taamaattumik allannguiniarneq killilittut

inissisimagaluartoq isumaqatigaarput. Akissarsiat ilaannik taakkartuineq erseqqissumik inissinneqartariaarpoq.

Tjenestemandit kisimik eqqugaanngillat. Isumaqatigiissut malillugu atorfillit aamma "akissarsiat ilaannik" taasanik aallerfigineqarniarnerat saaffiginnissutaasartut aallaavigalugit malugisimavarput.

Immikkut ilisimasallit sulinissaanni kattuffiit aamma tusarniarneqarnissaat kissaatigaarput.

Maannamut allannguut IMAK-mit isumaqatigalugu nalunaarutigaarput.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Erseqqissaatigineqassaaq siunnersuutip ilaatigut atuutilernerani tjenestemandit soraarnerussutisiaannut tunngatillugu soraarnerussutisiaqalersitsisussaannigitsut, ileqqaarnissamut tunngavissani ilaatinneqanngimmata. Isumaqatigiissutit malillugit atorfilinnut, tjenestemandiunngitsunut, isertitat ileqqaarnissamut tunngavissani ilaatinneqarput. Soraarnerussutisiassanut akiliutit tamarmiusut naammannersut, tamanna matumani aalajangiisuulluinnarpoq. Erseqqissaatigineqassaaq, siunnersuut sulisartut kattuffiit amerlasuunut tusarniaassutigalugu nassiunneqarsimammat.

Kommuneqarfik Sermersooq allappoq:

Atugarissaarnermut suliffeqarnermullu ingerlatsivik isumaqanngilaq tusarniaanermut najoqqutassat nassiunneqartut inatsisip allanngortinneqarnerata aningaasaqarnikkut sunniutissai pillugit paasissutissanik naammattunik imaqartut, taamaattumik ingerlatsivik isumalimmik tusarniaanermut akissuteqaateqarsinnaanani.

Inatsisip allanngortinneqarnera aallaaviatigut akileraarutinit isertitat qaffannerannik malitseqassaaq, kisianni peqatigisaanik utoqqalinersiutunik tunniussinermut aningaasartuuteqarnerunermik malitseqassalluni. Taamaattumik ingerlatsivik isumaqarpoq, soraarnerussutisiassanut inatsimmi ataavarnerusumik allanngortitsinerup ataatsimoortumik aningaasaqarnikkut sunniutissavii naatsorsorneqarsinnaalerpata, aatsaat inatsisip allanngortinneqarnerata malitsigisaanik kommuninut tapiissutini ataatsimoortuni allannguutissat isumalimmik isumaqatiginninniutigineqarsinnaalissasut.

Tamatuma saniatigut ingerlatsivik tusarniaanermut najoqqutassanut oqaaseqaatissaqanngilaq.

Tusarniaanermut akissuteqaat siunnersuummi allanngortitsinissamut pissutissaqalersitsinngilaq. Erseqqissaatigineqassaaq, immikkut ilisimasallit soraarnerussutisiassanut aaqqissuusseqqinnermut inassuteqaatiminnik suliaqarneranni, 2026-mi aamma 2027-mi ileqqaartussaataitaanerup akilersinneqartarnerata

atorunnaarsikkallarnissaanik siunnersuut imaqartoq. Allatigut siunnersuummi pisortanut aningaasaqarnikkut sunniutaasussat pillugit immikkoortoq innersuussutigineqarpoq.